

度  
支  
奏  
議

度支奏議目錄

堂稿五卷

題辯儀兌始末與民運無涉疏

歲報倉庫積羨之數疏

司屬譴責再乞認罪罷斥疏

匠役覬覦新糧效尤狂肆疏

回奏薊撫王應豸節省軍餉疏

題覆臺臣劉學詩裁冗省費充餉疏

題覆太常寺少卿呂維祺會議疏

題覆戶科都給事中解學龍等會議疏

題覆御史鄧啓隆鄭宗周張應辰會議疏

題覆會議邊餉議單十二款疏

度支奏議卷之五

太子少保戶部尚書溫青畢自嚴視草

題辨儀兌始末與民運無涉疏

題爲儀兌原期濟運軍民務求相安謹述建議始末以祈

聖鑒以禪漕政事崇禎二年三月二十七日該戶科  
抄出巡漕御史潘士遴一疏江廣募船一節實  
關新運遲速等事內稱昨冬戶部以江廣二省  
最遠疏

請令回空漕船停泊儀真亟爲修艚仍行二省撫道  
及早設法雇募民間鹽船裝運漕糧前來在於  
儀真交兌適接邸報戶部又有江廣雇船兌糧  
仍當以運軍旗甲爲主之疏且云旗軍京通事  
竣可從陸路星馳歸里不誤兌運臣讀之不勝  
憂愁無乃與速新運之說大相矛盾乎奉

聖旨江廣募船赴儀議已畫一這所奏領兌委用員  
役及雇船銀兩俱聽該撫道從長設法抵儀交兌  
無悞四月開行其募船有司嚴行申諭不得觀望

稽悞旗軍回運該部覆疏偶及原未奉有明旨著  
改正申飭行欽此臣披閱再四不勝惶悚是臣二  
言而悞新運也臣忝爲司計目睹太倉空匱曾  
無半年之積而漕運愆期遲滯竟至一載憂心  
如焚食不下咽凡仰體我

皇上宵旰至慮求所以轉遲爲速以復漕事之舊者  
幾無遺策豈其自言而自悖之且前後矛盾以  
爲漕臣憂也乃其先後題覆之顛末則有可得  
而陳者請得熟數於前臣於去冬有漕艘阻凍

宜防新運稽遲可慮一疏內列五款其一爲  
運漕船夫漕船江廣二省最遠今歲阻凍江廣  
之船爲尤多若俟明春抵關交割則回空必遲  
而新運阻凍竊料閭閻聞江廣俱食淮鹽其難  
鹽空船悉於今春蔽流而下若肯雇覓順載漕  
糧自有原設行糧腳價所費不多今回空漕船  
在儀真修船仍行二省撫道設法雇覓鹽船載  
漕糧前來儀真交兌則漕船無往返江湖之勞  
而新運免明年阻凍之患矣昔年漕臣孫居相

曾行之有效。臣近面詢不爽。力贊以爲可行。此亦救時之一著也。此臣初疏入

告之詞也。崇禎元年十二月初六日奉

聖旨。這露囤加謹防護。通軍赴船兌支。陸運先入通倉津糧。先截十五萬石。江廣募船載運。五款俱鑿。鑿有裨漕事。亟申飭行。欽此。逮崇禎二年二月初五日。則戶科抄到總漕部臣李待問謬陳儀兌事宜之疏至矣。內稱自江廣載運之

明旨一頒。該省諸臣殫忠矢猷。必且多方稽理。先期



督促俾無後艱糧戶業載米而來其米之數  
與數之足否自從有司徵比發載而頑戶積  
每以道路迂遠之言轉而生姦若抵儀真之  
再煩驗換再煩糴買俱係耽閤時日所當責  
糧道一一查覈者也軍民交兌之間每易成  
在省有府縣多官調戢今遠隔數千里之外無  
人焉爲之平其情以御其弊得乎糧道總押在  
後各管糧官分押自宜先至責成漕道爾時  
儀真督同管糧官責令平兌者也奉

聖旨這兌運事宜嚴飭糧道等官預行料理毋致稽延欽此夫臣初疏原云若肯雇查載鹽空船順載漕糧自有原設行糧腳價所費不多此行糧腳價皆旗軍物也既用旗軍錢糧則其爲旗軍押運明矣但疏內分爲五款恐涉冗長未及註寫旗軍字樣此總漕部臣所以不及至詳而有押戶載米而來之說又有糧道總押各管糧官分押責成漕道駐儀兩平交兌之說也軍強民弱所從來矣旗甲以飛輓爲職糧戶止惟正足供

不出里閭。亦所從來矣。今一旦責之涉湖海。飛渡數千里之遠。爲旗軍轉輸。比至儀真。愈強而民愈孤矣。有不勒耗憑陵者乎。平日省多官。所大費調停者。今可以一空言約而聽命乎。臣誠總總然慮之。故於議覆總漕內直稱漕糧爲軍。

國重計。關係匪輕。客歲凍阻數多。且遠回空。必遲今年新運。又在可虞。本部前疏業已議令江浙二省回空漕船停泊儀真修艤。仍行二省撫

雇募民間來淮載鹽空船順裝漕糧前來候  
兌給漕船接運北行民船載鹽以歸則漕船無  
往返之勞而新運免凍阻之患此挽遲爲速  
法已奉

明旨允行但查舊船兌糧仍當以運軍旗甲爲主  
今百姓裝糧前來瓜儀交兌蓋旗甲京通事務  
可從陸路星馳歸里不悞兌運旗甲自有原  
行糧不煩別爲設處誠恐彼中奉行不善驅令  
百姓遠赴江淮兌運殊爲未便相應再爲申明

留漕船於瓜儀修艚而旗甲自於江廣兌糧  
雇鹽艚趕運至淮誠計之便者也續奉

聖旨是欽此適巡漕御史潘士遴亦有預防新運遲  
悞一疏內云江廣募船接兌早已奉

旨則必江廣糧道星夜限有司刻限募船并盡給修  
艚船價行月軍糧種種具足於前四月初旬督  
運兌到儀真接兌等因既曰行月軍糧種種  
足又曰運到儀真接兌則其非糧戶載米而來  
明矣臣方幸御史之言與臣印合可以釋總

部臣之疑而不意更來矛盾之嘲也。臣因伏而思之事有於此稱利而於彼不利者。吾弗利也。偶見爲便而終覺不便者。吾弗行也。如儀允於旗軍稱便矣。但漕糧之在江廣水次者。果誰爲交兌乎。其間驗米較斛。講折講尖。糧以千萬石計。總非一官所能照管。所敢承當。卽有更番領運衛官。勢必至僉定大戶。押運至儀而後可。但各州縣糧里有多寡不同。糧戶有貧富不等。誰肯以一身任之。且中間有薦紳兌軍者。有零星

小戶允軍者。一旦改其故轍。遠允異域。臣未嘗  
其便也。且臣昔年司理江南時。水允大戶。每  
旗軍講兌。如蹈湯火。甚且鼓譟。席及有司。且自  
江廣抵儀。不啻千里風濤之險。尤爲不測。旗軍  
若有踈虞。猶得於餘米贈耗。內攤派抵補。若糧  
戶自行失風。則旗軍不任受。而勢必取盈焉。地  
方州縣。何堪此賠累乎。興言及此。而民運之  
否。可立決矣。惟令軍旗留船。瓜儀修脩。脩陸  
直走水次。免往返駕拽之苦。官府代雇船隻。

到卽兌免水次守候之勞。領兌既有成數。換解  
卽可北行。糧有專責。防護必密。免推諉延捱之  
弊。於理爲妥。於事爲穩。臣再四籌之。猶不自信。  
又往復詢之侍郎孫居相。則曰。當日只是以民  
船接運。水次兌領。原是軍旗。蓋軍旗有更番者。  
有早至者。亦有父子兄弟可相代者。與臣憶揣  
實相符合。是臣之所以計儀兌者。正爲江廣回  
空之船求迅速。爲江廣最遠之運求妥當。蓋催  
儻新運漕臣之心急。而臣心更有急焉者。今漕



臣恐軍旗事畢歸里坐誤新運謂領兌或用旗家屬承兌或用本管幫官是亦不用民運之意。但恐幫官或難於承當而他人又未肯代運其勢必如總漕部臣令糧戶載米而來也。至星船之費若不用旗軍行月糧銀猶恐銀項無從而出而旗軍餘米簞美等項皆將安坐而得之乎。臣非敢好爲爭執但臣題覆前疏原爲民運不便此情若明則臣可幸無罪萬一緘默不宣彼中有司奉行不善百姓譁然稱苦俾兩省無

按有言縉紳有言以臣爲無端作俑不能爲漕  
事計長久臣罪滋大矣臣與漕臣誼切同舟此  
事原無大異而心跡未能盡亮謹以始末告之  
皇上伏惟

聖明裁察臣草疏甫完又見江西撫按疏至謂雇船  
一事部臣與總漕互異不便奉行夫撫按專制  
一方亦顧事之便否何如耳何不查照昔年舊  
規踵而行之如民運無傷則令糧戶至儀安倉  
可也如民運不便則責成更番運糧各弁押回

旗軍子弟家屬允運來儀亦可也事急矣  
不便過度不敢懸斷惟聽彼中便宜從事期於  
無誤

欽限而已矣臣不勝悚惶激切之至

崇禎二年四月初六日具

題本月初九日奉

聖旨江廣募船抵儀允運員役銀兩及民運無涉  
事潘士遴魏照乘疏奉旨具悉你部先後題請  
以速運這本內軍旗更番早到及家屬相代前

未及總聽該撫按漕臣便宜濟事不妨再行申飭  
挽字錯寫攙字改正行欽此

歲報倉庫積羨之數疏

題爲歲報倉庫積羨之數用紀成勞以飭後效事  
舊例臣部司屬奉委管理京通等倉庫有掃積  
羨餘銀米及京通二廳職司收運催查果能著  
勞年終載入題敘之內節奉

欽依俱有成案祇緣該前署部臣差規疏內題有倉  
庫羨餘搜括之名不宜兢一款遂使各差司官  
皆以羨餘爲戒禁不敢報臣復於崇禎元年十  
一月十二日具題申飭差規一疏并及講求節

省以佐理財之議伏蒙

聖旨差規一依俸序奔兢自息卿等通與申飭若  
差能奉公裕國何妨報羨倉庫開餉諸差各宜  
心節嗇極力裁汰饒有存積卽與紀錄優異其  
營囊橐虧耗公帑的分別究治不宥餉銀不許  
星借差司官歷俸及期一體序遷俱如議行欽此  
欽遵除各序差解差通行申飭管私背公者體  
訪叅究及關餉另有考成並歷俸序遷事移咨  
吏部知會外惟是當此三空四盡之時不勝

積寸累之望。所幸報。美一節。奉有

明旨。例得復舉。臣於倉庫各官。每每勸色相戒。而各官亦多冰霜自砥。拮据爭先。於是耕奴織婢。各殫急公愛

國之苦心。竹頭木屑。盡充潔已輸忠之實用。在微臣以人事君之義。可自幸。借手圖報。而與人爲善之誼。真有不吝盡泯其勞者。除俟倉庫各官報滿日。另行具題。考覈外。謹照崇禎元年正月。起至十二月止。各倉庫積羨銀米。合行據實奏

聞以彰諸臣節省忠愛之忱至於京通等屬職司牧  
運力殫綜數雖無美可書而有勞可紀是亦循  
例甄敘之所不遺也伏乞

聖明准將積羨收入倉庫作正支銷仍將各官  
俯賜紀錄於以酬成勞而責後効其於軍儲

國計有厚幸矣臣可任隕越待

命之至

計開

舊太倉主事實寶星自崇禎元年正月起至本



年十二月終止積出餘米一萬五千一百一十石

南新倉主事張朝綱自崇禎元年二月二十八日接管起至本年十二月終止積出餘米一萬一千三百七十一石三斗四升

合

海運倉主事朱萬年自崇禎元年正月起至十二月終止積出餘米一萬六千六百六十石

北新倉陞任主事閆顧行自崇禎元年正月  
起至本年八月止積出餘米一萬一千  
百石署印主事實星自崇禎元年九月  
至十月止積出餘米一千五百石見任  
事趙晟自崇禎元年十一月起至十二  
終止積出餘米二千四百六十石

西新倉陞任員外郎董則喻自崇禎元年正  
月起至本年十二月終止積出餘米一萬  
一千五百一十七石七斗五升

祿米倉主事喻思慥自崇禎元年七月起至  
本年十二月終止積出餘米一千三百五  
十石

通州大運西倉員外郎楊應震自崇禎元年  
正月起至十二月終止積出餘米八千一  
十六石九斗

通州大運中南倉陞任郎中党修吉自崇禎  
元年正月起至本年十二月終止積出餘  
米六千四十七石九斗

太倉銀庫前任主事王裕心自崇禎元年  
月起至本年四月二十六日止積出餘銀  
二千四百四十六兩見任員外郎陳賓盛  
自崇禎元年四月二十七日起至本年十  
二月終止積出餘銀三千三百一十五兩  
新餉銀庫主事薛邦瑞自崇禎元年正月起  
至本年十二月終止積出餘銀三千七百  
二十兩五錢

以上八倉一年之內共積餘米八萬五千

一百二十三石八斗九升九合

以上二庫一年之內共積餘銀九千四百  
八十一兩五錢

京糧廳主事趙建極自崇禎元年正月起到  
本年十二月終止共追比完銷過米豆九  
萬三千七百五十八石六斗五升四合八  
勺四抄

坐糧廳署郎中事主事丁流芳自崇禎元年  
正月起到本年十二月終止扣過京通二

倉各衛所實羨等銀并追比解交月糧  
銀共二萬五千五百九十九兩七錢八  
七毫八絲五忽七微動支庫銀四百五十  
五兩六錢收買過各衛所餘剩粟米共一  
千一百三十九石

崇禎二年四月十二日具

題本月十五日奉

聖旨倉庫銀米積羨具見該管官節省寬屋等着與  
紀錄銀米照數收入作正支銷趙建極等一併

敘陳賓盛已有旨了欽此

司屬譴責再乞認罪罷斥疏

奏爲微臣奉職無狀乞

賜罷斥譴責以儆鯨曠事臣於四月初一日接山

聖諭因錦衣衛軍役三月未領糧兩年未領布花

疏回話正席藥待罪間忽見邸報該本部郎中

吳叔度一本遵

旨回話事奉

聖旨吳叔度掌印該司未完事件自宜接管七年布  
花豈得諉非已責這回話語多遮飾姑著降二級



調用萬民懋王光賁著自行回奏該部知建  
又該本部員外陳賓盛一本遵

旨回話事奉

聖旨陳賓盛既係輕管如何信意延捱著降四級  
外任用還著管倉主事回將話來該部知道欽此  
夫布花一事臣前跪回話已具言其繁矣七年  
布花在此到任十數月前他衛皆放而本衛獨  
否其故可思也至元年布花則以七年未放亦  
復遲遲蓋錦衣衛冊籍從來互異原無確數

崇禎元年七月據錦衣衛經歷司手本內稱衛  
衛事鄭士毅查出懸牌辦事冒役影占力軍生  
開八十七名見今又開二千零七十名相應  
役開糧以清冒濫又查出逃亡事故并年老  
疾不堪直差力軍先開一百十六名見今五百  
零八名相應開糧作缺以俟告補二項清汰  
軍共計二千七百八十一名及十二月內該  
部主事鮑自新題爲清汰旗尉力軍有名無  
事內稱該衛原開應當存留實數二千零七

自零七名又查七月分花名冊有三萬三千九百九十九名十二月分年總冊有三萬四百零六名  
款隱者二千九百五十餘名二年二月二十八日  
日及科抄出軍衛事于日并題爲遵

自清嚴據實回

奏事見在本衛直差食糧者止二萬九千九百五十五名今查元年十二月糧冊計三萬四百六十六名則多四百五十一名又總查清汰冊內各所  
尚欠二百四十二名共多六百九十三名所遺

汰革奉有

欽依是據鄭士毅所查止有清汰二千七百八十二  
名之數而無實在之數據兵部駁查及于日昇  
清覈共止二萬九千九百五十五名亦尚不滿  
三萬之數及查七年應領布花軍士共計四萬  
五千二百一十五名臣近逐一查訪廼知尚有  
殺虎手女戶壯丁將軍三項共計二千三百八  
十一名俱附錦衣衛鎮撫司食糧而未經開列  
也又有司禮等監局匠役一萬一千二百九十

一名亦附錦衣衛鎮撫司食糧而未經開列  
以食糧則入該衛以布花則入該衛及清汰具  
奏曾不以入告

聖明臣部安得而不疑之當此匱乏之時方以節省  
爲急又安敢速於支放爲也至崇禎元年冬月  
御史馬如蛟有疏清汰軍匠節據該衛監局章  
奏可憑及查該年應領布花軍士仍開四萬四  
千五百五十六名較之七年不甚相遠則臣部  
愈不能無疑矣且臣簡查卷案

皇祖末年旗軍匠役共不滿三萬人而今溢額如此  
聖明在上業奉屢

旨清汰妄意旦晚即可減損以明節省茲其所以遲  
遲而未發也總之微臣一念硜硜爲

國惜財鄙見癡心雖經該庫一再請發仍令覆覈  
是真稽遲之罪臣實尸之於該司吳叔度該庫  
陳賓盛無與也又原署司印主事萬民愍已經  
京察回籍原管布花員外王光賁陞任已久且  
當年亦止任放而不任催尤無與也若支放倉

糧管倉主事所憑者下糧廳填給之勘合。下糧廳勘合所憑者錦衣衛之平頭冊。因憶四月初朔本月軍糧尚未愆期所遲止二三兩月耳。該衛因奉文清汰二月下旬方始竣事三月下旬方始造平頭冊到部。又止二月分一月。又據揀覈爭執議論未決。倉口未定在下糧廳且無憑坐派勘合以發各倉。在各倉俱未奉有勘合又何能懸空而支放也。總緣微臣具題禁止嚴實啓弊端。臣當認罪伏法。而於各倉主事

無與也。儻居恒財錢穀之事。悉關白主計。而  
官曾不能臆決。買戾則濡滯之愆。又卸過他人。  
而堂官反徵倖。瓦全言念及此。慚怖欲死。豈惟  
不堪表率司屬。抑亦良心漸滅盡矣。此臣所以  
不得不哀籲於

聖明之前也。旬日以來遵奉

聖諭錦衣衛二月三月軍糧已經聽令據厥俱儘天  
啓七年新糧放訖止存四月亦俟平頭冊到次  
第給發兩年布花亦照原到執結先後擡放



中有無冒濫仍聽巡視布花科院臨期查辦  
官謹據實奏

聞庶

皇上軫卹禁軍之心或可少慰而各司屬從前延緩  
之愆亦可希冀姑從末減矣伏祈

皇上明正微臣奉職無狀之罪重加罷斥謹責以爲  
鑒戒而稍寬無辜司屬吳叔度陳賓盛及見余  
回話之各官則

雷霆雨露真並濟而交流矣臣無任惴惴隕越之

崇禎二年四月十四日具

奏本月十七日奉

聖旨錦衣放糧及布花稽遲離去清汰未定亦歸該  
管司官借口延擡前諭自明具奏度陳爾等已經  
薄罰卿夙著勤恪不必引咎。著各官回話朕自  
有鑒裁該部知道欽此

回奏薊撫王應豸節省軍餉疏

題爲欽奉

上傳事崇禎二年四月十八日接

內閣揭帖奉

上傳今早

皇上文華面諭陳良訓疏叅王應豸剝餉欺君本着  
戶兵二部作速看議戶部未見奏上王應豸原本  
所報節省五十七萬餘兩是實是虛果否卽是扣  
除八箇月舊欠軍餉功罪不可相掩卿等傳與戶

部奏來欽此欽遵傳送到部隨該臣等查得奉  
三月十一日該兵科署科事右給事中陳良  
題爲撫臣剝削欺

君召亂辱

國請

皇上立誅隱姦亟昭

聖斷事等因奉

聖旨戶兵二部作速看議具奏不得徇縱欽此臣等  
遵

旨會同兵部看議間而該撫隨又奉

旨逮訊矣一切罪案應聽法司爲政故將前件未便

回奏今奉

上傳命臣具奏臣不敢於公論之外獨出一斷案亦不敢於實事之中復添一疑城惟據節省言節省其於該撫功罪毫無容置喙也案查原任順天巡撫王應豸題爲兵餉清查有緒屯政廢墜宜修懇乞

聖明亟勅舉行以復舊章以裨

國計事奉

聖旨據奏薊鎮三協及昌鎮節省每歲銀五十七萬  
七千七百九十餘兩米一千六百六十餘石具具  
主應多苦心今後官軍併馬匹等俱照見在爲定  
額額內老弱逃故及倒損的隨缺隨補餉額既省  
其見解應發的該部務及期速發薊鎮新兵分派  
沿邊衝口防禦新管將領酌量歸併俱如議班兵  
調撥不在額餉該部臨期通融措處其遼左應不  
調援薊兵還與督師袁崇煥酌議行該部知道欽

此又該薊遼總督喻安性題同前事奉

聖旨已有旨了該部知道欽此又該督師尚書袁崇煥題同前事奉

聖旨該部知道欽此臣以事關錢糧不嫌詳慎逐款  
諮諏復據薊撫冊報前來臣部再三磨勘查得  
薊撫所報節省薊密永昌四鎮共節省過五十  
七萬有餘據冊皆從汰過老弱冗濫併援遼  
補官軍及倒損變賣併援遼未補馬騾等項之  
所出也。其在新餉者共二十六萬有餘據該撫

開稱薊鎮節省月餉銀五萬一千七百三十兩九錢九分二釐二毫又召買改折一項節省銀四萬四千一百一十一兩二錢八分一釐九毫六絲四忽四微密雲鎮節省月餉銀五萬二千三百五十二兩七錢八分永平鎮節省月餉銀一十一萬六千六百六十七兩一錢九分五釐一毫二絲八忽通共報節省銀二十六萬四千八百六十七兩二錢四分九釐二毫九絲二忽四微該臣部照簡明冊額數查算薊州鎮具



餉不惟未省且溢原額銀二錢九分四釐二毫  
止召買改折一項實節省銀二萬四千八百二  
十八兩二錢九分密雲鎮月餉實止節省銀七  
千五百五十五兩二錢四分三毫五絲永平鎮  
月餉實止節省銀六萬一千六百一十九兩二  
釐九毫二絲八忽再將薊鎮月餉溢原額銀二  
錢九分四釐二毫通融抵算外實共節省銀九  
萬四千二兩三錢三分八釐七絲八忽臣部逐  
款駁出隨據薊撫咨覆前來內稱薊鎮兵馬以

天啓元年爲原額召買一項以六年分時值  
值計算密鎮兵馬以天啓四年爲原額永鎮  
馬以天啓六年爲原額故節省之數有二十六  
萬四千八百六十七兩有零之多本部以崇禎  
元年簡明冊內實支之數爲原額故止有九萬  
四千二兩有零之實數也其在舊餉者共三十  
萬有餘薊州鎮每年額該年例銀四十二萬六  
千八百七十一兩八錢該撫報節省銀一十一  
萬六千三百一十八兩一錢七分七釐零又

兵銀一萬五千兩密雲鎮每年額該年例銀  
十六萬五千三百九十一兩六錢六分該撫報  
節省銀八萬七千三百五十六兩七錢八釐  
毫永平鎮每年額該年例銀二十八萬九千八  
百六十六兩四錢八分該撫報節省銀七萬八  
千四百一十八兩六錢三分一釐零該餉司陳  
此心報稱實節省銀四萬七千八百九十八兩  
六錢二分該撫浮報銀三萬五百二十兩昌平  
鎮每年額該年例銀一十四萬二百三十二兩

四錢七分該撫報節省銀一萬五千七百一  
五兩六錢四分七釐三毫本色米一千六百  
十四石四斗共三十一萬二千八百九兩一錢  
六分三釐六毫據永平餉司開報薊撫浮報銀  
三萬五百二十兩實節省銀二十八萬二千二  
百八十九兩一錢六分三釐六毫本色米一千  
六百六十四石四斗蓋四鎮舊餉額數雖懸而  
實發不及六七薊撫所報節省原在未發之中  
非見省其已發之物然省得一分則臣部可少

欠一分是以彼得其名而臣部併受其實也。薊鎮八箇月舊欠實因節年京民二運匱缺積欠如許一時難以卽補其與節省固判然二事也。至科臣陳良訓關臣方大任捐餉扣剋之說亦有源本非無因而至者緣薊撫王應豸科第原淺跡涉速化亟思黽勉樹立圖報

聖明以自爲功名地又見初報節省數多致蒙

皇上嘉獎益自感奮不無再圖節省銳然鈎竒之念於是遊擊戚司宗首倡捐餉之議而所部援

管亦慨然認捐三月之舊欠。但戚司宗駕既  
龍。力能得於所部。而各營將領不能盡得於  
軍。且惴惴然懼以援兵。管爲榜樣。而盡扣各  
之糧餉也。遂喧傳薊撫欲尅扣其役過餉銀以  
充節省。以實囊橐。一時乘機奮臂而起。必欲  
挾補足八月而後已。其實薊撫原未扣除舊欠。  
卽諸軍亦不過見影疑形已耳。訛言四布。無  
而飛。此科臣之風聞。與關臣之體訪。有如今  
遂各摠忠而入。

告也臣部核之錢糧揆之事理似實如此敢據實爲  
我

皇上陳之若薊撫之撫馭乖方或別有罪案俱當還  
之公論俟之執法臣部不得更贅一辭矣

崇禎二年四月二十一日具

題本月二十五日奉

聖旨據查王應參節省浮報已屬有欺其不職致變  
尚有餘款不必以哄諭捐餉擬罪該部知道欽此

匠役覬覦新糧效尤狂肆疏

題爲匠役覬覦新糧效尤狂肆懇乞

天語申飭以重挨陳之法事臣連日病困於本月二十日力疾入署祈禱視事有

御用監匠役張振旗頭高尙智稟稱四月分米蒙  
派西新倉支領胡書辦說在七倉八廩振等  
奉前往支領本倉又說無米伏乞批定倉口以  
便支領等情臣卽批行該倉查報緣縣去後據  
下糧廳主事饒若蒙稟稱本職於四月十二日



准錦衣衛經歷司送到

御用監匠軍四月分平頭冊到廳應坐派四月分  
遵照本部發下京糧廳會計冊挨陳坐派因  
倉廩糧勘合請堂印移發京糧廳轉行據冊分  
坐其米之有無職不得而問也據匠役張振  
環職稱說無米前情職不勝駭異忽傳衆匠  
面赴稟一面蜂擁多人赴書辦胡維翰寓所  
房碎器狂逞無忌理合具稟等情續據西新  
主事李希衛呈稱遵奉堂批查得

御用監匠張振等四月分糧米於本月十六日奉本  
部勘合到職坐派羽林左等衛倉卿字二四等  
覈支米共該一千八百九十四石一斗九升五  
合查本廠係前任監督盤併支剩米一千五十  
二石六升二合外有寄貯舊太等倉挖尖抵欠  
各米八百四十二石一斗三升三合隨按籍  
文各倉照放在本倉者出示限十八日起領又  
據各役稟十八十九兩日赴領布花勢不能分  
身以應願於二十日支領屆期臨倉給放聞

據聚役胡壁等稟稱各役雖齊總旗不到不  
散籌願收於二十二日赴領職竊見延挨不  
日復一日其意不領支剩舊糧必欲專領一  
之新米而後快及叩之而真情畢露矣只得  
將新積餘米許於二十一日給放其寄貯之  
俟另撥官軍衆皆懽然并無異說而猶然  
於書役者無非借事立威以杜日後再派  
支剩之計其半卽於次日領訖等情該臣等  
看得保陳之法原係倉規屢奉

明旨而錦衣衛揀厰三大管掣籤其各匠役撒派此從來坐放定例也。夫旣曰俟陳則年月各有定序。寧容置支剩於無用而俱派整厰以厭人情之所必至乎。今卿字等厰見有米一千餘石而舊太等倉又有寄厰抵欠米八百餘石亦係積貯實數寄頓舊規而張振等竟謂空厰無米那不過以厭薄之心爲支吾之計。迨李主事一許新糧遂懽然稱快。則前此之延捱不領者實有深意向非本官破例調停尚不知作何情形矣。

緣各匠役俱附錦衣衛食糧彼習見夫錦衣衛  
旗尉前雖奉有挨陳之

旨而揀厥如故尤而效之必遂其意而後已曾不思  
朝廷自有法度司官各有職掌冊次一定不但吏不  
敢徇情卽官亦不敢紊序而輒橫加於該廳之  
書役者謂何卽使果有別弊具稟臣部自當查  
補奈何一面投稟一面狂逞耶若曰我輩不  
以難堪此後必不坐整厥於各役之自爲計  
矣但派者未失其次放者不愆其期猶不能

於意外之事端。臣部固不足惜。如法紀何。伏乞  
天語申飭。揆陳之法。務在必行。後有借事阻撓者。定  
繩以三尺。庶奸宄不得狂逞。而奉法者有所遵  
依矣。

崇禎二年四月二十三日具

題本月二十六日奉

聖旨。放糧。扶陳原係倉規。張振等支吾狂肆。豈成法  
紀。爲首的着該衙門懲處。以後務遵明旨。若有借  
事阻撓。定治以法。決不輕宥。該衙門知道。欽此。

題覆臺臣劉學詩裁冗省費充餉疏

題爲邊餉急在燃眉汰冗萬難掣肘懇乞

聖明嚴飭速行以定長策以決治安事戶科抄關湖  
廣道監察御史劉學詩題稱前事等因奉

聖旨汰冗屢有明旨其應裁官俸等銀編入邊餉併  
有司稅契惟徵贖緩諸款盡輸正供着撫按官嚴  
加查覈以定官評優劣漕糧額派稽遲預糴倍運  
及措處糴本從長確議具奏該部知道欽此欽遵  
抄出到部該臣等看得裕

國本於足用足用本於省費費闕正額尚欲議  
議汰矧無名之費額外之用可任其因循冒  
茫然不知樽節哉當此出浮於入仰屋無策  
時毛土盡課雜項盡輸民力竭矣卽議復屯  
鎔鼓鑄開事例其法雖善非西江之水卽盡餅  
之計何能解此眉睫誠莫如臺臣劉學詩所謂  
省不急之官罷無名之費之爲急務也官多則  
役多役多則費多此其厲在

國又不肖冗員志在溫飽縱役嚙民厲又中乎



矣合無酌地方之繁簡權政治之緩急冗員之  
應裁者裁之衙役之應汰者汰之卽以所裁俸  
薪所汰工食併稅契權征贖鍰等項遵

旨盡輸正供編入歲額解京充餉誠目前救急之  
也惟是在外諸臣非潔已奉公大破情面必不  
肯行卽如臺臣爲推官時議省太原府同知一  
員竟以情面中止此不肯力行之明驗耳我  
皇上乾剛獨斷賞信罰果若有司有清汰節省積  
弊數多者不難破格紀錄而超擢之其誰不免焉

不則臣等以白簡從事有司愛功名不敢不  
法度畏法度不敢不急輸將一縣節輸一縣  
裕推之四海在在樽節處處轉輸則財恒足矣  
至於預糴倍運臺臣經

國計謨良深且遠盈盈倉庾陳陳紅朽誰曰不可  
但議糴必先糴本將取給公帑如臺臣所謂浙  
江貢茶絲絹相木描竹等費則

內供錢糧非臣等所敢擅動欲取足民財當此三  
空四盡災害頻仍尚未能輸納於額內奚忍

歛於額外此公私交誼而無糴本一也軍需之急如救焚拯溺縱糴運令行申飭措本往返糴買必須數月非旦夕可奏績恐難一歲二運此時日之不可待二也各省直止此漕糧亦止此漕船原未多備今倍運之船將另覓乎抑轉雇乎其費不貲大費設處此無船隻之足慮三也朝廷立法務在有利無弊始可奉行此臣反復揆度汰冗清費征稅積羨所當與在外諸臣恪守

聖諭竭力舉行仰體

宵旰之慮而終不敢謂預糴倍運之可行者以其  
糴本船隻兼以時日不能久待耳。誼切同舟濟  
期可行非敢水火其見而異同其詞也。既經  
臣劉學詩具題前來相應覆 請恭候

命下臣部移咨各省直撫院併都察院轉行各該  
按御史一體欽遵施行

崇禎二年四月二十七日具

題閏四月初一日奉

聖旨是欽此

題覆太常寺少卿呂維祺會議疏

題爲奉

旨集議邊餉須求實用事崇禎二年四月十五日戶  
科抄出翰林院提督四夷館太常寺添註少卿  
呂維祺題前事奉

聖旨理財軍國訏謀會議急圖實用這本搜陳劄切  
條畫簡明該部逐款研確并揭送鈔法集議具奏  
欽此欽遵抄出到部又該本官揭爲欲足  
國用莫如法

祖意行鈔法謹苦心講求以備

採擇事內議行鈔法等因備揭到部爲照臣等謀

國有心司計無術頃以會議屢厯

明旨所幸在廷諸臣仰體

君父之焦勞共紓開節之籌策有具題入

告有會卑投臣者卽持誦不無異同而要以救時恤

緯人人一致也該臣等已具有另疏統候

聖裁外伏讀等臣呂維祺所條列四事十五款懇切

詳盡真可見之施行且於足餉中寓養元氣安

民生肅吏治之意末後徐卬婉請一段忠愛惻  
誠溢於言外令人大可釋思宜乎蒙我

皇上嘉納而

勅臣等逐款研確也臣等伏查往例會議覆式多以  
條件摠括集議今具有特疏者自當摘出另覆  
以報

欽命除鈔法雖係

祖制而議論尚未歸一仍容臣等徐議講求又酌定  
鈔開報美裁革効勞冠帶折解贖銀積穀裁汰

大小冗員查解捲稍銀兩五款皆與戶科分  
條議相同科疏奉

旨在先所當從一併覆外今將應議各款謹遵  
旨逐款研確酌議開列于後相應覆

請恭候

命下臣部咨行各該衙門一體遵奉施行

計開

議清覈

一屯田鹽筴錢法



前件該臣等看得

國計自糧徭而外其大者無如屯鹽鼓鑄

祖宗朝屯則皎若分畛無敢侵隱鹽則整若提綱無  
敢紊竊鑄則行如流水無敢壅遏至今  
日而舉不可問矣寺臣謂屯田之病緣  
隱占私賣不在究奪而在清查均賦耳  
是對症砭案查臣部于崇禎元年七月  
內覆御史羅元賓屯政六款疏亦頗悉  
其梗槩已蒙

俞旨令臣部咨屯田御史及相關各撫按一體遵  
行矣合再申飭至於強禦之病鹽課  
私販小票而增引革引尤在於信掣期  
廉掣官之爲關鍵也所當行巡鹽御史  
設法推廣者也以求近效惟此鼓鑄  
要於上下通行合請著爲令竊鑄者無  
赦私販者遣仍沒其貲乃銅鉛置之  
慮恐亦似非緩圖總之下手實做子  
事者以便宜之權乃可徐觀成效

一言敝之矣復查屯田則有禮臣何如  
寵銓臣孫居相樞臣申用懋科臣陳良  
訓劉斯崧張鵬雲臺臣李柄姜兆張萬  
一程胡良機樊尚璟鹽筴則有禮臣何  
如寵工臣張鳳翔樞臣申用懋臺臣李  
長春等錢法則有樞臣申用懋科臣陳  
良訓等其議皆同伏候

聖裁

一生祠變價

前件該處等看得自循行者賦甘棠而  
桑畏壘戶稅不絕乃至今日而盜賊  
無遺或托廟貌以蓋其愆二三私人  
愚昧而輪渙之甚有掩鼻以過者合移  
咨撫按片境內生祠果有惠政及民而  
民心思慕者許合詞請附主名宦仍聽  
留其祠用旌遺愛其餘委理刑官查刷  
凡以物議敗而官無實惠者卽行拆毀  
變價充餉以後仍痛禁自建者事發

職及議建祠者首事之罪伏候

聖裁

一

大工輓木

前件該臣等看得

大工告竣臨清輓廠暫停二年并議停收大木寺臣  
謂節省以百萬計誠爲有見臺臣宋臣  
襄亦有此議但事隸工部臣等未敢越  
俎至

誥軸自置歲省銀十七萬科臣沈惟炳臺臣蔣允  
俱議及之復查奉有

明旨誥軸從來典制織買褻體臣部似難贅議伏候  
聖裁

議折解

一俵馬本折

前件該臣等看得俵馬之役間關遠道以  
飼餼之不時多有意外之虞解戶茹  
受累至捐身家以殉之甚則俵解不堪

中多冒破有如寺臣所言暫令本折三  
七起解三年爲期不惟可借充餉且民  
亦樂于易辦也復查科臣沈惟炳臺臣  
蔣允儀楊建烈曹暹俱議及之惟是事  
隸太僕職掌攸關頃該寺已有疏入

告矣臣部何敢擅議伏候

聖裁

一河工銀兩

前件該臣等看得河工之銀堪摘助餉復

查臺臣楊建烈曹暹亦曾議及但錢糧  
職在工部該部亦在匱乏合聽該部  
議以充急需至于河間保定之間近在  
畿內如果存剩兵餉事故銀兩且以十數萬計惟  
此時需之何啻續命膏中流壺也容臣等  
速行移文撫按查確盡數解部充餉伏候

聖裁

議裁省

一議捐公費



前件該臣等看得中外偶值告匱人臣等  
切急公卽頂踵不敢自愛此豈養交咨  
費時耶惟是撫按之贓罰公費充新舊  
餉已久有定額矣乃解者多不如數似  
難加增合再申飭每歲如期完解可也  
至於司道各府有原設有公費者亦有  
原無公費而祇有紙贖者若夫藩臬庫  
運之長尤有美餘無礙之銀同爲王臣  
誰忍坐視合無一體諭令捐助酌煩

以定多寡多者可三五百兩少亦須  
二百兩著爲歲額於以助餉給邊所  
多矣復查憲臣曹于汴楊鶴臺臣李  
皆有此議伏候

聖裁

一裁革冗役

前件該臣等看得在外各衙門執事員役  
舊有額設以至今日冗卒可紀糜餼  
已傷費而羣盛勢必朘民卽有力行

束痛禁掛裕者而所不及見不及聞者  
多矣今宜移文撫按先爲司道郡邑俱  
自酌省分大小差遣繁簡量留差承  
千名其餘盡行裁去此輩設有廩糧家  
多溫厚且善竊上官嚙笑恣其魚肉卽  
勤渠服役亦其分內犒賞市恩何異  
侯升木宜寺臣扼腕言之也撫按旣  
其源而後層累問之司道郡邑一面將  
汰去人數刻榜懸掛一面勒限將汰

廩給工食報部充餉年來雖有抽扣  
議止及州縣而府官以上不與焉其  
仍以抽扣塞責自甘冗雜者撫按查  
叅究不惟裕餉兼可剔蠹至便計也  
查憲臣曹于汴楊鶴臺臣吳玉李柄  
有此議伏候

聖裁

一清汰虛冒

前件該臣等看得足餉無如清兵謂清

兵則裕一餉也實有所汰則實有所省  
顧力行何如耳合無如寺臣議通行巡  
按御史會同督撫司道止將一切見在  
着伍丁壯分區齊點親驗腰牌有混冒  
頂雇者隊長連坐千把革職偏裨註下  
考有能計出者懸賞以待仍將點過逐  
隊花名大書揭榜以示存留至于聽用  
名色各官及廢閑將領非偵敗之餘即  
情面鎖管者一槩斥逐併將實在官銀

姓名勒限報部被影占假借者不言  
而已汰矣亦可無啓纂之虞矣復查  
臣康新民科臣沈惟炳臺臣蔣允儀  
銓皆有此議伏候

聖裁

議催解

一責成藩司

前件該臣等看得起運京邊錢糧各省  
布政司兩直隸各府是司府實錢糧

窳會也若司府催督不亟州縣徵解自  
緩又有州縣已解之司府而司府不即  
解之京邊任臣部之叫號累有司之叅  
罰人情政體大爲不平寺臣責成布政  
之議殊爲確當合無依議申飭并載入  
考成以後錢糧不完藩司暨府總計分  
數與州縣一體叅罰住俸督催至于俸  
選計俸又當移咨吏部酌行者也伏候

聖裁

一置差催提

前件該臣等看得臣部與天下諸司呼喚立通聲氣相應者惟此往來尺檄耳不  
通送稽延動經旬月甚有竟置沉匿無  
聞者臣部眈眼幾穿而省直充耳愈無  
此所以萬不獲已而有差官往催之議  
也今寺臣議令布政司將提塘官與  
承差姓名報部凡緊要文移卽着落  
塘輪遣承差刻期完報不如約者革



不貸誠爲捷便合無依議通行查取據  
塘承差等役到部聽候差遣許用傳報  
撥馬斯稽延者不得委諸迢遞而緩急  
有責成矣伏候

聖裁

崇禎二年閏四月初四日具

題本月初九日奉

聖旨這寺臣條議各款旣經酌妥悉如議申飭仍同  
集議彙冊頒布其置差催提一款更目前傳布着

刻期卽行該衙門知道欽此

題覆戶科都給事中解學龍等會議疏

題爲邊餉奉

旨會議謹陳芹曝之愚仰祈

聖裁事崇禎二年四月初八日戶科抄出該本科都  
給事中解學龍等題前事等因本年四月初六  
日奉

聖旨該科職司國計會議在卽須悉心講求從長商  
酌務期實濟這條陳各款中多可行該部一併議  
奏欽此欽遵抄出到部該臣等看得邊餉匱乏至

今日而計幾無復之矣一切權宜之法類反裘  
類竭澤者業已數數施而斷不可再矣惟有尚  
存天地之間人事之內而未經講求或講求而  
未果未竟者可急議以濟然眉顧臣部知慮短  
淺不達時務雖復日夜嘔心而求一籌之當乎  
國計終不可得也不得已仰求

明旨會集羣策庶幾藉手以掩血指之差輕負乘之  
罪所厚幸焉乃不數日間嘉謨嘉猷競相入

告如科臣解學龍等之十六款則尤僭極苦心矣蓋

科臣戶垣也財賦之日詘轉輸之日艱均是當局則均是焦思夫固處同舟之急而戮力求濟非特應相伯之呼而借箸爲籌也是宜其言之款款中肯而深有當於

皇上之軫念者矣謹遵

明旨逐款具覆於左皆臣等所逐一討論反覆研究而知其鑿鑿可行者也雖其中不無一二或時日有待或事勢稍難者要之一出精心深入窺竅皆不失爲謀

國之長策救時之急着也倘一一設誠行之不惟  
飛輓不匱可救目前之窘急且財用恒足永享  
士飽馬騰於以鞭打四夷裕如矣雖然臣部所  
得自爲者臣不敢不勉而不能必各衙門之俱  
有同心也計惟仰藉

天語通行申飭使中外諸臣一體奉行不得視爲空  
言庶議可見效而餉可立集不負我

皇上軫念嚴塞軍儲之至意也

計開

一班軍改折

該臣等看得京操之有班軍所資以壯爪牙衛

神京也京班凡十六萬人後撥山東河南等處邊班一萬二千人所需之費項不一而數不貲使用其力稱其食

國家亦何靳焉乃京軍則正身少而雇倩多按牒有軍索米有軍其實強半子虛也做工則專覓市人僅修故事入操則不諳訓

練祇成具文而徒以不貲之需充積猾之腹卽時方舉盈亦不可若是屑越而况三空四盡之日耶邊操自

世廟庚戌之變古北口之失撥之以助邊防然未嘗用以敵愾也不過備修築而已迄今幾及百年往來不輟豈城堞之傾圯無虛日版築之力役無已時耶若曰以備戰守也則該鎮有主客官兵具足對壘亦可荷畚挿而又有修城修牆等項錢糧



具在安事此僕僕者無益緩急而徒糜  
金錢爲也此當移文督撫查議并行改  
折者也京操近經兵部題覆折半充餉  
而尚未能斬斷藤葛仍留其半亦可惜  
也夫果有實用則不宜議折無實用則  
折不宜止半當如科臣議併京操邊操  
兩軍俱免赴班查照名數各於原籍地  
方訓練其原籍安家行糧查明確數盡  
扣解部以充軍餉該鎮操糧亦可扣減

計甚便也及查科臣沈惟炳劉先春祖  
重燁顏繼祖王都臺臣蔣允儀劉學詩  
其議皆同伏候

聖裁

一 奏解紙贖

該臣等看得今日搜括之法非能令天雨  
鬼輸也總不過取之民間而民間殆不  
可復矣惟就其已取之民而未輸之國  
者再尋究之則醵贖是已但各州縣春

夏積銀久已抵充雜項新餉惟是有司  
善匿報不以實見奉

明旨申飭責令撫按另行造冊回

奏其秋冬積穀近經倉臣南居益條議臣部題覆  
又量取三分解京餘聽備賑則雖有存  
焉者寡矣此外祇有撫按司道府官緩  
贖可搜括耳撫按公費贓罰抵充新舊  
二餉原有定額惟司道府官則一切緩  
贖盡充本署私費而毫無濟

公家非法之平也合無行文各省直撫按查照司  
道府官煩簡多寡之等定爲額數每歲  
依期完解有願多助者聽通計寓內可  
得數萬各該司道府官誰無憂

國奉公之心自將輸將之恐後矣及查憲臣曹于  
汴楊鶴樞臣申用懋科臣沈惟炳劉先  
春祖重燁顏繼祖王都臺臣蔣允儀李  
玄其議相同伏候

聖裁

一查覈存留

該臣等看得各省直錢糧祇有起解存留  
二項起解固有定額矣存留以備

主祿官俸廩糧夫馬等項亦自不容減損此外如  
備祭祀供修理紙張心紅歲節公宴等  
項若槩行裁節俾捉襟而露肘固屬不  
妥若一任浮濫聽時詘而舉羸亦恐未  
安蓋以雍容燕閒之典而較脫巾語難  
之變其緩急輕重數不勝也合無如科

臣議急催賦役全書到日會集在京九  
卿科道詢其原任何地何官洞悉何事  
臣部虛心博訪一切款項當存若干當  
裁若干而就中所可挹注者思過半矣  
然後刊刻成冊布告天下俾各照冊節  
省按季解部以充軍餉此其所得當不  
貲也伏候

聖裁

一清汰冗冒

該臣等看得餉之不足非生之者少乃耗之者多也語曰山林不給野火江海不實漏卮此善喻也耗之者則今日之冗員冗兵是已夫

祖宗立官文武各有定數後或因事設官自當事定而止乃今一設之後遂爲定例不可復去於是力而圖者與聚而食者數不相敵而餉日以不足矣雖屢經條議欲從澄汰亦徒托之空譚卒未見之實事有

激乎科臣之言之也曰汰官先自吏部  
始而兵工以下及外吏次之汰兵先自  
督府道將始而叅遊以下次之文官如  
鴻臚光祿文忠院太醫院一切天文旂  
尉厨役班匠之屬與州縣外吏之駢拇  
者旣非必不可少之人斷非必不可去  
之銜是何憚而不力爲清裁乎武官如  
叅遊都司而下假借名色幾遂爲真甚  
而名色之中又有名色窟穴旣不可知



影射亦不可問

朝廷之上焦心勞思措處月餉止以供若輩之耗蠹  
是何憚而不力爲芟除乎汰一冗兵卽  
可養一兵汰一冗官并汰其俸薪及衙  
役工食卽可養十百兵但恐沉淪埋沒  
又成烏有惟在吏部移會臣部登記省  
直查解實實舉行庶有當耳所賴同舟  
共濟匪淺鮮矣及查寺臣康新民張潑  
科臣劉懋宋鳴梧臺臣吳銓牛翀玄李

柄吳玉其議相同伏候

聖裁

一河濱灘蕩

該臣等看得有土有財凡天地自然之利惟水澤之處爲多是以河灘淤地水濱洲渚之間在在皆有生息第或不問而任豪右之侵肥或私徵而充有司之囊橐

國家曾不得其錙銖之益良可惜也如科臣所議在北有河灘淤地及城壕蓮藕魚利在

南有濱江濱湖濱海新生洲渚及城壕  
蓮藕魚利皆非田賦之正供俱聽有司  
之支給有司間分其利於上司亦有爲  
本處鄉紳學霸上豪所霸占者合無行  
令撫按廉委風力推官丈量清楚或輸  
價承買或定課納官不必責有於無亦  
不必責多於寡原非加派民自樂從此  
不病民而足

國之良謨也姑舉二項如本部主事賀烺條議丹

陽練湖舊以蓄水濟運其高阜處曾經  
原任知縣袁鯨召民佃種抵充遼餉一  
年遂免加派嗣後疏

請輸納佃價奉

旨未覆若計畝徵價數千金可立致矣又本部郎中  
王復興條議東平有安山湖濟寧有南  
旺湖一望汪洋延袤廣遠四圍沙淤漸  
成沃壤百姓私墾種麥週圍可數百頃  
豪強各相占據強弱互爲爭奪至有兇

毆健訟殘軀斃命者從今分別估勘給  
照管業認佃納糧旣以便民又可息爭  
兼可裕

國無使地有遺利亦軍興一助也繇此二處充之  
而他可類推矣至漕河一帶向有河灘  
淤地每畝籽粒三分有奇向隸河道總  
督及工部分司收貯爲河工用近日河  
臣李若星已經

奏報若肯借之助餉所入亦夥然非臣部可得而

專也伏候

聖裁

一裁革效勞

該臣等看得吏員一途原係實歷三考方准題授冠帶此定例也再通融之則有候缺農民援例納銀二百兩徑題冠帶者一以獎勞苦而杜冒濫之門一以示招徠而開援納之路法至備已邇來以十五兩行頭假託各衙門効勞名色

題冠帶有司之供役何人

朝廷之事例可廢深爲可慨如科臣議通行省直除真正實歷者照常覈實起送外若農民未經實歷者照例納銀兩直納於各府各省納於藩司類奏請

旨下吏部題授冠帶其銀隨解戶部充餉應納銀數舊例具在照行頭爲多寡不得拘泥以塞上進之心不得通移以啓冒濫之漸至如在京真正効勞此輩白圖厚利以

肥身家原不得比於三考歲月勞績  
例亦一槩不准庶弊端杜絕選法疏  
矣科臣此款禁革効勞冠帶之意與  
部同所立司府納銀之法亦屬便計  
一首禁冒籍順天是爲要訣若各省  
真正農民有不繇司府而竟輸本部  
者亦當曲從其便本部取具實收彙  
送部請

旨題授無不可者實歷遲而援例速人情旨然何事



人不樂趨乎及查科臣陳良訓劉斯珪  
臺臣樊尚璟胡良機龔一程趙洪範李  
長春顧其國劉學詩其議相同伏候

聖裁

一監生納班

該臣等看得監生入監讀書以圖進取出  
監歷事以便選除此

祖制也迨後監生有不樂奔走遂雇市傭以備名數  
僅襲參謁故事矣而撥歷日多支糧太

濫可惜也案查萬曆三十二年臣部尚書趙世卿議定各衙門代歷名數僅止一百五十六名以示節省之意合以撥派內監歷事監生尚不滿二百名每月支米一石折銀六錢係戶工二部於事例銀內各認其半見在遵行蓋不欲盡法以存

祖制非尚有數千名也近年援例事定歷事銀三十兩俱納太倉以佐軍糈通行久矣科臣

灼知前弊而今例實相符矣但監生頗多而納歷者少就中或繇新例酌更或賄吏書倖免所當移文吏部查核庫餉以覓科臣之說者也及查科臣劉先泰祖重燁王都顏繼祖其議相同伏候

聖裁

一京衛吏役

該臣等看得

京師衛所僅資軍丁以壯擁衛文移甚簡誠無多

用吏胥爲也有冗役則有冗食宜  
有概于中矣臺臣張應辰疏亦有此  
剖析尤明臣部移文七十五衛所登  
原額及見叅吏役質以

會典所載總計一千三百餘名惟錦衣衛吏役最  
多緣隸禁近不敢輕議次則府軍前衛  
原額四十一名又次則武驤左右騰  
左右四衛原額俱二十九名其餘各  
繇二十名以至十七八名少者十餘

查府軍前衛係勦討管理四驍衛屬  
監管轄故事體煩煩而吏役亦夥案  
天啓三年正月內兵部覆四川道御史  
張應辰疏共計裁省衛吏三百三十六  
名今查府軍前衛見叅八人四驍衛見  
叅各十三人餘衛見叅止二三人或  
二人其全缺者尤多冷落可知夫原  
一千三百餘名除先年裁革外仍該千  
名今見叅者除錦衣外不滿百人但

今雖不參而後復參則又成冗役矣  
衛六房原有六名今議定止存三名  
所原各有一名今議盡裁而以造冊  
糧之事盡歸併于衛吏極爲省便惟  
軍前衛及四驤衛原設頗多昔年亦  
裁汰今議三衛六房各以四名爲額  
所俱量存九名攢造官軍月糧文冊  
餘繁行裁汰免其參撥其見役名缺  
對者暫行頂補管事役滿改正如此

聖裁

一勲戚捐助

該臣等看得勲戚諸臣

國之世臣親臣也與同休戚則

國家盈誑不得視爲身外肥瘠可知已願捐厚款

以佐

公家之急者諸臣自矢之朴忠也念世守而固  
竭之惠者

朝廷尊親之大典也况諸臣中饒裕者少窘乏者多  
統禔朱門不能治生產業區區所賦不  
免自食者有之而欲議捐三年贍田所  
入則三年之內必有捉襟露肘者矣  
據勲戚英國公張惟賢等具有公搆  
部不願捐助臣部安能強之以失

祖宗遺意科臣云此一時權宜之計亦諸臣所樂從



則原非強以不堪第聽諸臣之樂與否耳伏候

聖裁

一 賈稅酌徵

該臣等看得軍興以來在在有稅稅契稅當等稅俱用以充餉矣而獨有賈稅未及說者謂恐其擾民而後事也乃聞各府州縣亦有徵收在官者而

國家曾不得其分毫之利大率以供有司私費耳

夫取之有名業已盡錙銖而不諱其  
無實止以供撲滿而不問其謂之何  
如科臣議令其盡數解部充餉要王  
姓非有加損也總之此數彼取之民  
取之官挹彼注茲移私爲公本無者  
不可創本有者亦不容隱計莫善于  
也若夫牙行折穀則臣於議單疏中  
載之矣伏候

一加增權額

該臣等看得各關權稅臣部年節曾有  
餉維艱權政宜飭一疏正與科臣意合  
蓋自有關稅以來人莫不飽稅之求  
澹泊自操寬商裕

國者有幾然人品原不同科不肖者多營私之  
惟知因以自肥賢者抱急公之懷正可  
借以自見南北權關凡八有舊額有新  
增查北新關原額四萬天啓元年加增

二萬天啓五年加增二萬共八萬  
墅關原額四萬五千天啓元年加增  
萬二千五百天啓五年加增二萬共  
萬七千五百兩九江關原額二萬五  
有奇天啓元年加增一萬二千五百  
奇天啓五年加增二萬共五萬七千五  
百餘兩淮安關原額二萬三千天啓  
年加增七千六百天啓五年加增一  
五千共四萬五千六百兩揚州原額

萬三千天啓元年加增二千六百天啓  
五年加額一萬共二萬五千六百兩  
清關原額銀八萬三千八百兩河西  
原額四萬六千兩以上二關并無加增  
因解不足額臨清議減二萬兩河西  
減一萬四千總期于必完耳崇文門  
額六萬八千九百二十九兩零天啓  
年加增二萬共八萬八千九百二十九  
兩零此舊額與新增數也查以前

司屬有如額起解者有解不及額者  
再申飭嚴加考覈以完欠爲殿最以  
額爲優紀又查天啓六年奉

旨助工稅差照正額每兩加羨餘一錢後來各差  
解多寡參差有名無實臣因

大工已竣題改助工爲助餉每兩加羨銀五分解入  
太倉查正額已兩經議增尚有完欠不  
等應難再增今于解羨之內仍量增  
分爲一錢照正額通籌合計八關每

共增銀五萬餘兩務要全解毋託空言  
仍不許借口增稅致剝商膏以叢物議  
至差滿日亦同正額考覈庶法平而商  
不稱困羨報而數亦頓增矣及查憲臣  
曹于汴楊鶴銓臣孫居相科臣沈惟炳  
陳良訓劉斯琰臺臣蔣允儀譚汝偉劉  
學詩王相說鄧啓隆樊尚燝龔一程胡  
良機其議皆同伏候

聖裁

一書役納吏

該臣等看得大小衙門承行文移俱僉吏  
名而獎實百出反在繕寫諸書役之手  
何也更有身家尚思寸進不敢犯法書  
無前程惟知作弊以圖微利雖冒不韙  
又何憚焉科臣謂加納農民以供書役  
寓清汰于鼓舞之中誠苦心之論已及  
查

京師書役不特爲吏更有冠帶此似無容置喙矣



其各省直州縣書胥政務旣冗供役頗夥但恐傭書之輩貧多富少卽十五兩亦未易辦也說者謂大邑或可行而小邑則否南方或可行而北方則否其言亦似有見不可不再爲酌議也其要惟在廉明有司毋假嚙笑毋借事權而足且也近日北方州縣吏役絕少甚有求一二人直印堯庫而不可得者每報農民開動閭閻誠恐有司奉行不善翻爲

良民之累臣部不得不爲慎重非敢以  
異同起見也伏候

聖裁

一捲梢銀兩

該臣等看得財之所散江河亦可漏財之  
所生微塵亦可聚錢糧一項凡入冊內  
莫非正供科臣所奏畿南賦役冊有捲  
梢銀并重夫重馬銀卽小縣不下百餘  
金此孰非下民脂膏胡可付之流水而

不問也合行嚴南撫按覈實具報絲毫  
南推之及于省直逐處清查各解太倉  
則一絲一毫皆三軍投醪挾纊之資矣  
第立法之意或不諒于行法之人恐緣  
此而私增加派在所難免則撫按推官  
所當嚴爲申飭廉訪毋令有司借名乾  
沒朘削可耳及查科臣劉先春祖重燁  
王都顏繼祖其議相同伏候

聖裁

一吏農班價

該臣等看得南北兩直隸及十三省布政  
與各府及都運二司衙門凡上納吏農  
除現在叅房應役外其餘舊例每名每  
年納班銀三四兩不等每省約得數千  
金合各省直言之何啻數萬金乃各地  
方官或以充交際或以肥私家曾不爲  
國家困乏之慮試思今日空盡之時錙銖之利尚  
欲搜括以佐緩急而歲入鉅萬如許竟

置而不問忍乎不忍乎繇科臣議則自  
應役之外凡納班者分爲春秋二季臚  
列花名滙聚成冊直隸解府各省解司  
各轉解部充餉則不動聲色而可增數  
萬金錢矣此誠搜括第一義也及查科  
臣沈惟炳劉先春祖重燁王都顏繼祖  
臺臣蔣允儀劉學詩其議皆同伏候

聖裁

一殿工冠帶

該臣等看得奸黨用事兇禍及于縉紳  
胥及于氓隸

殿工冠帶幾遍長安道矣何常有真正効勞員役卽  
効勞者無不盜金肥橐而更授之一官  
可乎斷當盡數查核以清選法不得仍  
冒逆黨餘榮以混名器者也姑念已題  
冠帶准照事例規則納銀一半方准俟  
選其已選者行文地方追納不則褫革  
劣轉以遏奔競而吏格清軍糈裕矣此

科臣之議與寺臣呂維祺若合符節  
也第恐已往之事不便更張未免掣  
衡之肘耳所當聽吏部酌議舉行者  
及查科臣劉先春祖重燁王都顏繼  
臺臣吳甦其議皆同伏候

聖裁

一京東水田

該臣等看得五穀之屬惟江南之稻所入  
爲多以近水而灌漑易也畿輔之間

輶取水不能驟給惟薊密等處有水  
然皆江南人行之北方之人未習也  
棹偃僂原自不易而北方早寒所入  
不似南國故卽薊燕等處人有巧有  
巧地有宜有不宜高坡水田相半不  
盡爲水田者勢也如令江南人創之  
方人因而習之溝洫蓄洩相時處置  
誠如科臣言萬世之利也第此人不能  
水田北方不能多雨似難取效目前提



奇績將則壤而賦乎彼固非不課之地  
也將加額而徵乎彼固其自食之力也  
此當申飭撫按講求勸相以俟後效而  
或不能驟取以濟急需者也伏候

聖裁

崇禎二年閏四月初四日具

題本月初八日奉

聖旨班軍京管已奉旨折半餘邊鎮或留脩工或應  
折價聽督撫酌便具奏存留錢糧速催賦役全責

聽覈冗冒逐事節汰水田就便開墾灘蕩地方  
能官隨宜清理不必槩文吏員實歷冠帶嚴禁員  
籍衛吏裁省員額現役免汰開課按數考成吏  
納班彙解俱如議司府紙贖賈稅查解三款該撫  
按官酌議無爲貪官藉口監生納班等五款不必  
行該衙門知道欽此

題覆御史鄧啓隆鄭宗周張應辰會議疏

題爲兵精仰屋無措計臣借箸方殷謹陳芻蕘以備

採擇事崇禎二年四月初七日該戶科抄出山東道  
監察御史鄧啓隆題前事本年四月初四日奉  
聖旨該部方行集議着一併叅酌具奏欽此又該部  
南道監察御史鄭宗周題爲足  
國必先足民敬陳節儉二字仰乞

聖鑒以濟時艱事本年四月初四日奉

聖旨兵餉正在集議這奏內有可行的着各衙門  
行查奏該部知道欽此又該陝西道監察御史  
應辰題爲遵

旨會議事本年四月初九日奉

聖旨這關稅鹽引冗員三款屢有條陳着一併集議  
具奏欽此除清汰官聯并文武將吏務選廉能二  
款聽吏兵二部舉行外該臣等看得餉額不足  
無計抵補臣實寢食不遑憂心如擗是以請

旨會議集諸臣之訐謨爲裕餉之長策凡有疏款

單抄送到部真多字字苦心言言石畫臣且  
爲點鐵之真丹而回甦之靈劑也臣伏思之生  
財之道無過開節二端其中有經書久遠永可  
抵餉額之缺者但恐以議論大而難收近功有  
權宜目前暫可劑餉額之窮者又恐以頭緒繁  
而易滋紛擾臣不敢不虛心叅酌爲

皇上一一陳之據疏議中有謂蘇杭織造可拆省直  
藥材可拆郡邑之公費可量裁備賑之積穀可  
變價此臺臣鄧啓隆議也卽此數項裨益非小

查織造隸于工部藥材隸于禮部臣部不敢越俎應行禮工二部酌議上

請以聽

聖裁其積穀一項春夏折銀業已題充遼餉蓋亦有年公費一項原係郡邑迎送往來之用各有定數當此搜剔之時亟宜槩從儉約如能量裁則合天下之細以成其鉅數亦不貲科臣解學龍寺臣呂維祺臺臣李柄李玄等與臺臣議若合符節信爲可行昨歲臣部已經題令省直州縣

認解并入遼餉襍項內矣有謂黔事結局無期  
宜罷兵以省餉東江兵數已定餉額不可不清  
內府中有積之無用折之有益官制中有冗員當  
罷冗費當裁者此臺臣鄭宗周議也夫黔餉歲  
需百萬新事旣難結局株守安用百萬聞水外  
之地近亦爲黔屯種用之誠得其人正可資糧  
爲自守地識者咸謂可減兵餉之半以益九邊  
第事關軍

國必得封疆之臣熟圖長策而後可辰下新督臣

朱熹元履任伊始必有一翻弊畫似難預爲裁  
節以掣其肘者也至於東江一旅向費本折五  
六十萬漸至百萬自核兵後止定本色米一十  
六萬八千石折色銀二十三萬五千二百兩官  
廩一萬兩運價花紅膳片銀共三萬七千五百  
兩較之近日督師所定復經減縮矣若夫各邊  
節省昨歲已經奉

旨清查除一二邊鎮查奏外其餘未報尚多合再勒  
限行催期于查覈清楚毋爲積帥之所隱冒至



若

內府錢糧前已奉有不准以折之

旨想

內供難缺或

祖制難更臣部亦不敢再議矣有謂權關之稅羨宜  
報鹽斤之夾帶宜禁冗員與衛吏之冗食宜汰  
此臺臣張應辰議也查權關稅羨諸臣多議及  
之除原額并兩次新增外去歲臣部題議每兩  
量增五分今又復議量增五分已于科臣解學

龍等疏中詳覆矣其內外各衙門之冗員未  
八衛所吏役之冗食最宜速行清汰今臺臣  
戶科諸臣疏互相發明臣亟爲稱賞亦已覆前  
疏中若夫鹽筴一項誠屬利源實弊藪也秤掣  
止間之苞苴而當場斤重弗顧何恠夫引日壅  
而課日遲乎山東如此他省可知此實

國家大利所在諸臣無不建議及此前臣部於條  
議鹽法疏中已縷陳之所當再行申飭務使積  
弊肅清引無壅滯然後再議增引以充

國課可也總之值民窮財盡之日當兵驕餉削之  
秋生無可生節難爲節臣實筭計不能別出奇  
策爲

皇上富國強邊而屢勤諸臣之借箸臣滋愧矣今諸  
臣已娓娓言之臣復總總度之是在

皇上大加申飭務在必行如內呼外格始銳中弛終  
託紙上空言終鮮奉行實政上不足紓

密勿之焦勞下不足償邊郵之逋額中且負盈廷諸  
臣圖迴酌議之深心縱徒費唇吻奚益也臣又

滋懼矣先是臣有芻蕘之言條陳六款蓋憂  
疊之交罄擴補苴之迂愚今諸臣異同者參半  
其言多振臣聾聵臣未嘗不擊節嘆服又何難  
於舍已從人也容臣俟衆思咸集之後滿盤打  
算實落補餉若干方不虛

皇上宵旰憂勤之意耳伏乞

聖明裁定遵奉施行

崇禎二年閏四月初四日具

題本月十一日奉

聖旨垣臺臣鄧啓隆等條議各款既經酌妥俱着申飭其已經題覆的畫一頒行黔餉俟朱熨元條素定奪各邊清查奉旨已久都着勒限速奏不得再緩貼黃祈字錯寫改正行欽此

題覆會議邊餉議單十二款疏

題爲遵

旨會議謹萃集思之忱用備

採擇以求實効事臣負乘

國儲借箸

廷議值此搜括無餘開節莫措之日幸賴諸臣不  
畫津津嘉謨鑒鑒有具疏入

告者有列單款送者臣反覆參閱大約如屯田鹽法  
汰冗節浮議論僉同者十常八九臣已逐項攢

列疏覆第其中或有經于親歷之公或有感于  
見聞之真自出獨得用佐諸疏所未備臣謹  
擇其可行者共十二款仰塵

睿覽無非欲曲爲搜括期得一分便足解一分燃眉  
之急也臣捫心自思亦覺經

國計謨原不在此脫有以申韓桑孔之意病臣以  
頭會箕歛之術責臣者臣亦無所逃罪但以灾  
患頻仍庚癸疾呼鼓譟之衆鑒于前而脫巾之  
情懸于後萬不得已而爲是竭澤之漁也使臣

言之而內外諸臣果能一呼卽應臣部得收涓  
滴以填漏卮有裨

國計臣卽耳受誚譴亦復何解第恐臣辱敝穎秀  
瀝血嘔心方且不避勞怨而秦越視者徒以故  
紙視之曾不崇朝議論都成畫餅臣不足惜其  
如目前邊軍嗷嗷待哺何以救此燎原之焰也  
伏乞

皇上大爲申飭俾任事者實實奉行懸以叅罰之  
功令鼓以優擢之考成庶不負在廷諸臣會議一



段苦心矣臣不勝延佇隕越之至

計開

一曰增加鹽引讓之者禮臣何如寵憲臣  
曹于汴楊鶴也該臣等看得自正引積  
而官鹽壅掣坐費而官鹽貴知者皆歸  
咎鹽少而奸徒私販乃十倍官鹽豈皆  
天所雨哉揆其故商人所受者引內之  
鹽而夾帶之禁更嚴于私販竈戶之餘  
鹽又安售焉于是亡命之徒揭竿興販

了無禁忌無怪乎私鹽日多正引日滯  
官鹽日貴也邇者商人正引之外既許  
夾帶餘鹽亦示以通融矣合無令產鹽  
地面或於額引之外量增新引或於額  
引之內量增斤重俾令商人儘其資本  
任買場鹽則商人可以公平交易而不  
必坐守竈戶可以憑鹽售利亦何樂私  
鬻商引自銷鹽價自賤竈鹽自行私販  
自絕而無窮之利端在於斯矣臣前疏

所以欲於淮南增引者正與官鹽廣而私鹽絕不謂諸臣所議亦復相同所當移會各省直巡鹽御史亟行商確具奏者也惟淮南積引在科臣解學龍臺臣李柄俱云當嚴真偽以酌行止誠爲有見至臺臣劉學詩又以巧者不過習者之門議欲仍用袁世振借其心計俾令通變宜民疏理鹽課斯亦今日鹽政之急務也伏候

三裁

一停修倉廩議之者科臣沈惟炳臺臣蔣  
允儀宋師襄也該臣等看得倉廩三年  
大修每年小修大修隸於工部小修隸  
於本部動支籌架銀兩此舊例也案據  
天啓元年本部移文工部查當年停修  
倉廩一次計該銀一萬有奇據工部回  
稱准將戶部應還工部米折軍夫銀二  
千九百二十兩及山西司應分事例銀

七千兩扣足抵還此從前舊案也邇者  
倉庾如洗厥之空者不可勝計矣及查  
大修每歲應修二十四座自天啓元年  
以後止修一十二座以天啓二年工科  
抄叅爲準合用物料等銀共該六千九  
百九十九兩五錢零所有減修一十二  
座該存銀六千九百九十九兩五錢七  
八年來興作旣減今議再停大修三年  
所省無算工部卽不盡還臣部或亦比

照前例自崇禎元年爲始於事例內照  
數量扣稍濟匱乏亦兩便之道也至於  
小修籌架銀查京通則例每石五釐大  
約進倉者二百餘萬石以一倉計之應  
該六十餘兩除內給守支等費每歲應  
有數千金空厥旣多則小修總屬名色  
當以一半作籌架一半充正餉亦暫借  
二三年以佐軍糈不及者也伏候

聖裁

一酌議鼓鑄議之者科臣陳良訓劉斯珣  
郝土膏臺臣馬鳴世樊尚燦胡良機  
一程也該臣等看得鼓鑄

國家大利也近苦於息不足以償其本一槩議罷  
然鼓鑄無利繇於錢法之壅而錢法之  
壅總繇銀貴錢賤是以按本計息兩不  
相值耳如科臣郝土膏等所議天下州  
縣盡令用錢立爲

令甲自道府至小民一切經費俱要銀錢二八兼

收銀以克京運錢糧錢以給本處宗祿  
及俸廩工食等項日滋月息公私利賴  
亦富

國宜民之上計也再照先是天啓二年本部督理  
錢法侍郎李宗延疏議遵

祖制鑄大錢原本

大明會典洪武初年於應天府鑄大中通寶後又鑄  
洪武通寶有當十當五當三之異遂議  
鑄天啓當十大錢每文銅重一兩聽民



行使奉有

明旨務在必行如有私造及阻撓者緝事衙門拿來  
重究通行數載至天啓六年逆奸崔呈  
秀不知何故盡行收買改鑄虧損甚多  
夫子母相權輕重相維大錢之制歷代  
不變蓋自周官圉法以來而已然矣今  
錢利近微而當十之錢則用銅少而索  
價高用力少而成功易臣竊以爲得鈔  
法之遺意者莫大錢若也合無照舊開

鑄當十大錢其官俸商價兵餉等項俱以十分之一通融行使則復

祖制以裕財源協人情而利民用無踰此者矣此復臣一得之愚敢附諸臣條議之後伏候聖裁

一搜括雜稅議之者憲臣曹于汴楊鶴  
臣申用懋科臣沈惟炳臺臣蔣允儀  
兆張也該臣等看得關稅年來增加不  
一而足復以僉議又照每兩加羨一錢

幾及五萬而商已重困矣除咸陽水稅  
潼關雜稅該省撫臣近題作新兵糧  
不開外如浙之黃魚稅閩之沙埕水  
海澄雜稅山東之泰山香稅粵東之南  
雄橋稅各有定額從來俱作本省公費  
支銷多者十數萬卽少亦不下四五萬  
各有項款應當查明原數以一半作本  
處公費以一半歸臣部是以應得之稅  
搜括充餉原非奪其所有者也南京宜

課司稅似猶存乎見少仍當增額至于  
呂宋商船香山澳船果若真享其利卽  
每歲數十萬亦不爲過但恐奸宄闖入  
禍出叵測是以小利而遺大害其稅之  
應權與否又非臣部所敢遙度者惟是  
下海船隻閩廣最多率領司府印帖於  
外洋貿易或有領帖一張納稅四兩至  
十數兩者如侍郎申用懋尤見之真而  
言之切然不用以市德卽藉以潤橐也

肯輸之

公家所得不既多乎臣向有此條議而衆論悉以爲可行撫按司府更不得博寬大而聽令乾沒者也伏候

聖裁

一隱廠宜查議之者科臣孫紹統宋鳴梧也該臣等看得因地計廠因廠計稅此定制也惟年遠戶絕或有其地而無其人閒地閒種或享其利而沒其稅富豪

霸占吏胥飛詭官司隱匿其弊不可勝  
言使

公家之地不供

公家之用則暗中銷磨不委千百於逝波乎科臣  
孫紹統謂民間有逃戶地爭奪構訟曾  
無休時今議按籍稽查里老呈報凡籍  
中有地無戶者追窮到底或許自首不  
拘士夫平民願頂種者隨地多寡減半  
出價若不願出價者許令別戶許首納

價承地所得價銀卽以充餉此自然之利也科臣宋鳴梧謂

國家地畝雖清丈後尚缺六十餘萬當按冊籍索之撫按州縣議論奇偉但恐奉行不善或至擾民然其稱開荒穀稅報官而不報

上一槩留作本縣公費恬然不以爲怪則確論也蓋荒蕪新墾之田初止納穀三升入官備賑逮三年後便宜照例起科乃小民避

重就輕多有竇緣倖免者有司喜於自利亦有沉閣不報者從今一體查明另項收貯附解充餉亦算之得者也總之以

公家之財還之

公家而已伏候

聖裁

一南馬協濟議之者科臣張鵬雲臺臣劉學詩也該臣等看得南馬協濟



國初立法所以均勞逸也自南人不習風土寄籍  
稱苦不得已解銀協濟此南馬幫貼所  
繇來也查

會典一款萬曆四年題

准浙江江西南直等處應解順天府南馬水夫銀共  
四萬餘兩協濟北直等處驛遞年年催  
解載爲

令甲推之山東河南江北衝要驛遞繁多有之夫  
以南馬改爲折銀亦以通人情之窮也

不謂日久法玩地隔則痛癢不開時久  
則乾沒難問如省臺二臣所言者始則  
壓解繼則拖欠久則習爲固然子虛烏  
有毫不可問改折不至不得已而加派  
本地以救眉睫是以南濟北之窮者全  
反爲北累矣然此項銀兩未始不在也  
間有解到者神棍墨吏上下瓜分當此  
三空四盡之日下不歸百姓上不歸  
朝廷可聽此輩之乾沒而不問乎宜通行省直派南

馬地方着撫按嚴查昔何以協濟而議  
馬若干後何以幫貼而議銀若干從前  
者不可查以崇禎元年爲始將實在銀  
數詳細造冊一面報部一面徵解以充  
軍餉蓋南馬舊係額設非新增及私幫  
比此與臣原議站銀一款互相發明所  
當力爲舉行者也伏候

聖裁

一牙行換帖議之者寺臣康新民科臣張

鵬雲也該臣等看得窩內州縣地方有  
肥瘠而牙行換帖無處不有蓋不論原  
行之多寡而論產物之有無貨之細軟  
珍貴者無論矣卽如米麥油酒爲民生  
所必用者定有所產之方而富商大賈  
於此競逐焉未有所買貨物日以千金  
百金計而牙行日積月累毫無所得者  
也查舊例換帖不過數錢卽設立名色  
折罰贖穀亦僅一兩二錢已耳今後查

天下州縣有物產所聚行貨富饒者縱  
量行加增亦不爲多卽以寺臣原任固  
始計之每歲納米一百八十餘石以供  
縣官之用而多者尚不知其數也此外  
不必再議征商矣約計天下州縣千餘  
多者可得二百兩少者亦得幾十兩與  
其入貪墨之囊不若充軍

國之需此與臣原議行稅實相彷彿但各處風俗  
不同亦有原無行稅者善哉科臣之言

曰原無者自不可增原有者亦不可減  
此不煩加派亦不煩催徵者勿借口克  
餉分外科擾也是在賢有司據實呈報  
賢撫按加意查核耳查行稅一議臺臣  
趙洪範李長春顧其國皆謂猥瑣且擾  
市廛而憲臣曹于汴楊鶴又謂牙行換  
帖稍有千石不止者刑臣胡世實亦云  
有行稅者當行搜括科臣解學龍等疏  
云牙行納銀納穀夫旣已徵之於民何

不可歸之於

國故不敢盡廢焉伏候

聖裁

一修衙銀項議之者科臣劉先春祖重燁  
顏繼祖王都也該臣等看得地方官衙  
宇雖爲傳舍而到任有修每歲有修皆  
編入正項錢糧在司道郡邑各官俱有  
定數然強半盡入私囊實未嘗爲修理  
用也至於院道衙舍撫按公館皆窮工

極飾所費無限要不過侈觀美糜財物耳亦何裨實用乎諸臣敦羔素之清風寧羨塗飾之糜費總計天下大小衙門二千餘處一處節省五十金合計卽有十萬餘金縱謂修理不可盡廢合無此後令三年修理一次其兩年銀兩悉以解部充餉不則每歲解部三分之一亦權宜接濟之一道也至於廣文佐領官卑祿薄仍應照例給與不必扣解伏候



聖裁

一板木改折議之者科臣沈惟炳臺臣蔣允儀也該臣等看得板木改折原始於本部尚書汪應蛟具題奉

旨准以天啓元年改折據查額解之數松板八千九百七十五片楞木九百九十七片其板木折價要以產木遠近定價值貴賤歷查往牒應折銀三千七百三十九兩五錢此改折之大凡也自有災折復布裁

漕而糧之入京庾者什僅其七板木用以舖倉因有剩餘徒滋朽腐天啓六年湖廣道王御史具疏欲以六年七年改折奉

旨通行而各處奉文稍遲多解本色因議以崇禎元年二年抵之向以事關搜括解入新餉元年者約十之五而二年者今尚未到也除已折者再加申飭以後每年務令本色折價各以一半解進本色入倉供

用折價解太倉作邊餉支銷不得復  
新餉至於災折地方漕米改折而  
俱宜改折恐藉口災傷僅解正項而此  
項折價置不問亦當詳查雖日竹頭木  
屑爲數無多然以十年計之可得二萬  
餘兩上下兩利確乎可行者也伏候

聖裁

一日寺田起科議之者樞臣申用懋也該  
臣等看得鳳陽府龍興寺

欽賜之田隸籍蘇松者至與中山諸勲等緣寺田子粒之歸本僧者輕而利倍之故豪有力者乘僧徒不肖陰據其產沿襲

欽賜名色占至數千畝外自收子粒究之利不在上亦不在僧仍爲勢豪所侵匿今邊餉匱乏民田加賦矣軍產倍征矣甚而

宗藩世祿尚且以世降殺寺田豈宜白占合無令地方官稽查原額若干畝照民田起稅徵租以其半歸本寺半充軍餉則率土

作貢永無不毛之弊矣錄龍興寺而類  
推之寓內名山梵宇凡係

勅建俱有

賜田況僧田不許過百畝此

舊制也今僧有占數千畝者少或數百畝撫按宜嚴  
行稽查悉照民田起科毋使隱匿脫漏  
總各省直一體清查亦可量增賦額爲  
軍餉之一助伏候

聖裁

一崇文店稅議之者臺臣牛翀玄也該臣等看得貿易通衢設立市廛令熙熙攘攘者有所依歸法至善也今照崇文門外設有宣課分司諸商會集我

神祖倣古譏市遺意念諸商到門守候查驗百貨露積致罹風雨泥損盜賊竊取是以建設暫憇店房二百餘間俾各商獲便於信宿仍倣市廛征商之法量納房租共計一萬二千餘兩下不病商上藉裕

國數十餘年歸者如市從未有稱病者也自逆  
肆橫網羅人心卽將此店擅改爲厰以  
致商貨失所怨聲載道不惟病商數萬  
金錢竟如逝波不可問矣況陰陽之患  
原不可測宵居露處人所難堪甚有借  
棲簷下而所費亦不貲且數百間房屋  
與其聽蔽於風雨不若兩便於官民似  
當遵照舊規貨物到門報稅暫停此處  
以便查驗所有應徵房租仍令宣課司

按期徵解向供

內用今克軍餉益彰

大聖人大公無我之度矣惟衙棍把持勒捐百方牙  
行需索橫徵無藝該司仍當申飭嚴禁  
以宣

皇上恤商德意則此萬餘金錢取之而不爲虐矣前  
臺臣有疏叩

聞未

允今集議仍復及之臣部揆度似屬無礙當復其舊



以充邊餉萬一者也伏候

聖裁

一曰撥兌京運議之者道臣楊建烈曹暹也該臣等看得秦晉重地肘臂

神京西北諸邊不過一藩籬隔耳強虜訐於外饑軍梗於內所在騷動

皇上從秦中鄉紳南居益等之請留新餉二十萬湊發舊餉十萬一時安輯底定雖權宜之術亦經久之規也向者年例愆期寧第

庫藏空虛亦以此項或可少緩而今不  
容緩矣查秦中新餉應解京庫者二十  
六萬三千六百餘兩而年例舊餉應解  
四鎮者不下七十餘萬兩其數亦不相  
抵除應解工部者不敢議留外其餘或  
可通融充支免驛路之往返而腳價可  
省一便也就近聽撫臣取用而不煩等  
候二使也至於晉中亦有新餉亦有年  
例或可量扣一半分解大同山西二鎮

臣何敢異視焉夫秦晉所需京運十之  
三所需民運十之七年來民運漫不經  
心專靠京連接濟今又尊現在加派之  
新餉以濟其急若又以民運視之逋負  
如前有事仍大聲疾呼則非臣部撥充  
之初意矣無已則有一焉以新餉改舊  
餉原屬權宜之計合照舊規錢糧完欠  
仍隸督餉御史聽其查叅至於雜項零  
星須照例徵解臣部以便查考亦緩急

交濟之良策也伏候

聖裁

崇禎二年閏四月初四日具

題本月十二日奉

聖旨國用自有經制但因兵餉不充權宜補助增鹽  
舊商自承不准新商攪利修厰酌停勿致大壞雜  
稅嚴禁私潤南馬協濟嚴催牙行換帖因地酌宜  
修衙量解扣銀板木改折灾折並解欽田寺種不  
係勢豪占據勿槩問秦晉京運撥兌仍聽督餉查

參這條議各款既經裁定併另覆奉旨疏欵參綜  
彙冊通行內外各衙門畫一遵承務濟實用鼓鑄  
隱廠崇文店稅三款不必行該衙門知道欽此